



Vijeće za konkurentnost
Broj: 02-02-895/14-XXIX
Jablanica, 10.07.2020. godine

**Izvod iz zapisnika
sa XXIX sjednice Vijeća za konkurentnost općine Jablanica,
održane dana 10.07.2020. godine, sa početkom u 08:30 sati**

Prisutni: Salem Dedić- Općinski načelnik, Dženan Mulahasanović- Sekretar Općine, Jusuf Džafić - vlasnik Voćepromet d.o.o., Nezir Kevrić - Jablanit d.o.o., Edin Buđim - vlasnik Labrador d.o.o., Fadil Kevrić - vlasnik Elektrofak d.o.o., Admir Đelmo - Savez poljoprivrednih udruženja Jablanica, Ramiz Zahirović - predstavnik JP EP BIH podružnica Jablanica, Jasminka Omanović - Služba za LER, investicije, finansije i trezor, Zanin Murvat - Služba za LER, investicije, finansije i trezor, Vila Šefkija - Vila mont d.o.o.,

Odsutni: Mate Mijić – predsjedavajući OV-a, Muamer Džino - vlasnik Eurokamen d.o.o., Uzeir Zahirović - vlasnik VO BH Granit Jablanica, Jusuf Maksumić - vlasnik restorana Maksumić Jablanica, Kemal Muratović - predstavnik Službe za zapošljavanje HNK - Biro rada Jablanica, Ivan Zelenika - predstavnik JP EP HZHB Mostar

Predsjedavajući Jusuf Džafić pozdravlja prisutne i otvara XXIX sjednicu Vijeće za konkurentnost općine Jablanica. Za sjednicu predlaže sljedeći dnevni red:

1. Izvod iz zapisnika sa XXVIII sjednice VZK-a,
2. Javni poziv za dodjelu jednokratne novčane naknade pravnim i fizičkim licima kojima u vrijeme trajanja proglašenja stanja nesreće uzrokovane pojavom korona virusa (COVID-19) – PRIJEDLOG,
3. Izvještaj o realizacije projekta ekonomskog sektora za 2019. godinu,
4. Izvještaj o radu Službe za lokalni ekonomski razvoj i investicije, finansije i trezor za 2019. godinu,
5. Analiza potreba privrednog sektora o obrazovanim profilima- rasprava i iskazivanje interesa,
6. Razno.

Predloženi Dnevni red jednoglasno je usvojen.

Ad.1. Izvod iz zapisnika XXVIII

Predsjedavajući daje na raspravu izvod iz zapisnika. Nije bilo primjedbi.

Izvod iz zapisnika sa XXVIII sjednice VZK-a je jednoglasno usvojen.

Ad.2. Javni poziv za dodjelu jednokratne novčane naknade pravnim i fizičkim licima kojima u vrijeme trajanja proglašenja stanja nesreće uzrokovane pojavom korona virusa (COVID-19) – PRIJEDLOG

Uvodnu riječ za ovu tačku dao je Zanin Murvat, predstavnik Službe za lokalni ekonomski razvoj i investicije, finansije i trezor. Upoznao je prisutne da je Javni poziv za dodjelu jednokratne novčane naknade pravnim i fizičkim licima, kojima u vrijeme proglašenja stanja nesreće uzrokovane pojavom korona virusa



(COVID-19) bio zabranjen rad, usklađen sa Odlukom koju je Općinsko vijeće Jablanica usvojilo na XL sjednici.

Istakao je da je u skladu sa članom 6. Odluke predviđena dodjela jednokratne naknade u iznosu najniže plaće u FBiH po zaposlenom radniku u djelatnostima kojima je zabranjen rad, te u skladu sa članom 7. Odluke jednokratna naknada za vlasnike obrta, trgovačkih radnji i uslužnih djelatnosti kojim je bio zabranjen rad. Poziv će biti otvoren 30 dana. Nakon toga će Komisija, imenovana od strane Općinskog načelnika, pregledati dostavljene zahtjeve i predložiti pojedinačne iznose naknada za pravna i fizička lica. O utvrđenoj naknadi Općinski načelnik će donijeti rješenja.

Nakon uvodne riječi otvorena je rasprava.

Jusuf Džafić, u ime Udruženja privrednika Jablanica, kaže da privrednici nemaju primjedbi na tekst javnog poziva s obzirom na činjenicu da su bili uključeni u proces pripreme Odluke.

Općinski načelnik navodi kako je Javni poziv pretočen iz Odluke od 25.06.2020. godine i u istom je sadržano sve što je u kantonalnom i federalnom javnom pozivu. Insistirano je da se dokazna dokumentacija ne ovjerava.

Općinski načelnik je kazao da je od strane Službe za zapošljavanje HNK- Biro rada Jablanica dostavljen je spisak od 36 osoba koje su za vrijeme pandemije otpuštene sa radnih mjesta, a nisu ostvarile pravo na novčanu naknadu po osnovu nezaposlenosti.

Drugi spisak koji je dostavljen su demobilisani borci bez primanja.

Upoznao je prisutne da je ispred Službe za LER određena osoba koja će, dok je poziv otvoren, pomagati privrednicima oko kompletiranja dokumentacije.

Dženan Mulahasanović predlaže privrednicima da ispred svog Udruženja imenuju jednog člana u komisiju koja će pregledati zahtjeve pristigle po javnom pozivu.

Udruženje privrednika za člana komisije predlaže sekretara udruženja Amela Halebića.

Ad. 3. Izvještaj o realizacije projekta ekonomskog sektora za 2019. godinu

Ad. 4. Izvještaj o radu Službe za lokalni ekonomski razvoj i investicije, finansije i trezor za 2019. godinu

Zbog srodnosti materije dogovoreno da se rasprava o tački 3. i 4. vodi objedinjeno.

Ispred Službe za LER Jasminka Omanović je upoznala prisutne da Služba za lokalni ekonomski razvoj priprema godišnji izvještaj o realizaciji strategije razvoja, a da izvještaj usvaja Općinsko vijeće. Istakla je da je Izvještaj za 2019. godinu usvojen na XXXIX sjednici OV-a.

Kazala je da prema preporuci evluatora, u procesu recertifikacije BFC, potrebno je izraditi izvještaj o realizaciji projekata ekonomskog razvoja i isti, s Izvještajem o radu Službe za LER prezentirati na sjednici Vijeća za konkurentnost.

Ključni prioriteti ekonomskog sektora u 2019. godini su stvaranje ambijenta za razvoj poduzetništva i poslovne infrastrukture, promocija poslovnih mogućnosti i kreiranja programa subvencioniranja MSP-a.

Kazala je da je ključni projekat u 2019. godini u ekonomskom sektoru bio je Izgradnja i opremanje poslovne zone UNIS – Gornja Kolonija. U toku prošle godine izgrađena jedna poslovna hala, dok je izgradnja druge u toku. Potpisan je Ugovor o korištenju poslovne hale sa ABSOLUTE GROUP d.o.o. Travnik.

Po Odluci OV-a Jablanica izvršena kupovina nekretnina preduzeća Granit d.d. u stačaju od Općinskog suda u Konjicu. Zbog kupovine ovih nekretnina moralo se odustati od realizacije nekih projekata iz ekonomskog sektora kao što je Poticaji za MSP. U 2019. godini pripremljen je i usvojen Program subvencioniranja privrednih subjekata na području općine Jablanica. Započela je i realizacija projekta Obnova porušenog istorijskog mosta preko rijeke Neretve.

Istakla je da je u izvještaju dat pregled projekata realizovanih iz EU fondova i onih koji su realizovani putem konkursa viših nivoa vlast, te da se u prilogu izvještaja nalazi tabelarni pregled projekata ekonomskog sektora sa podacima o njihovoj realizaciji.

Što se tiče Izvještaja o radu Službe za LER istakla je da su istom sadržane informacije o redovnim poslovnima koje je Služba radila u toku 2019. godine kao i osvrt na realizaciju strateških projekata ekonomskog sektora.

Nije bilo diskusije o ovim Izvještajima.

Ad. 5. Analiza potreba privrednog sektora o obrazovanim profilima- rasprava i iskazivanje interesa

U uvodnoj riječi Dženan Mulahasanović je kazao da je u skladu s kriterijima BFC potrebno da Općina Jablanica putem anketiranja ili razgovora sa privrednicima saznaje stavove poslovne zajednice o potrebama privrednog sektora za obrazovnim profilima, odnosno da li postoji potreba za izmjenom obrazovnih programa i uvođenjem novih zanimanja u Srednjoj školi Jablanica.

Upoznao je prisutne da je isti program proveden 2012. godine, kad je uvedeno zanimanje klesar i da se pokazao kao uspješan.

Općinski načelnik predlaže da do septembra tekuće godine privrednici na VZK iznesu prijedloge o potrebnim zanimanjima, s obzirom da je upis za ovu školsku godinu već završen.

Nezir Kevrić izjavljuje kako su privrednici bili zainteresovani za pokretanje ovakvih projekata u srednjoj školi, međutim nije bilo interesa od strane škole.

Šefkija Vila smatra da treba raditi na ambijentu da dobri učenici upisuju zanimanja za kamenoklesara, a ne učenici sa lošim prosjekom kako je to bio slučaj do sada. Smatram da Općina treba dati poticaj učenicima da upisuju ovaj zanat.

Ramiz Zahirović, predstavnik JP EP BIH Podružnica Jablanica izjavljuje kako je ovo višestruki problem s obzirom da je mali broj učenika koji izlaze iz osnovne škole, da ženska djeca ne upisuju ove zanate, da učenici po završetku trogodišnjeg obrazovanja ne mogu upisati fakultet. Smatra da su ovo bolni procesi jer i nastavnici imaju svoj prava, norme i sl. Smatra da je zanimanje kuhar i konobar napunjeno i da da treba usmjeravati učenike kako bi bar desetak njih završilo za ovo zanimanje i bilo spremno za rad.

Jusuf Džafić vlasnik Voćepromet d.o.o. ističe kako sada škole postoje zbog profesora, a ne zbog đaka, te da je to osnovni problem. Ranije se škola svodila na praksu, te da bi na kraju školske godine uvijek bilo 5-6 učenika spremnih za rad.

Jasminka Omanović postavlja pitanje realizacije projekta Uspostava centra za obrazovanje stručnih kadrova koji se već 7 godina nalazi u Strategiji razvoja općine Jablanica i još uvijek nije realizovan. Smatra da bi svi zajedno trebali raditi na realizaciji ovog projekta koji se godinama vodi kao planiran a ne realizovan projekt.

Dženan Mulahasanović poziva da se do septembra ove godine dostave prijedlozi za razvoj školstva, te da zajedno sa direktorom škole donesu pravo rješenje.

Općinski načelnik ističe kako je potrebno imenovati radnu grupu koja će raditi na rješavanju ovog pitanja. Također ističe kako je potrebno zalaganje svih koji su vezani za ovaj projekat a to su Općina Jablanica, Srednja škola, Ministarstvo obrazovanja i Udruženje privrednika. Općinski načelnik također navodi da je potrebno omogućiti prekvalifikaciju zanimanja, te istu subvencionirati.

Jasminka Omanović predložena je za koordinatora radne grupe.

Ovaj prijedlog usvojen je jednoglasno.

Ad. 6. Razno

Šefkija Vila upućuje zahtjev za uvođenje industrijske vode u industrijsku zonu Donja Jablanica.

Nezir Kevrić ističe da je potrebno riješiti pitanje kamenog otpada u koritu rijeke Neretve, njegove eksploatacije i plaćanje naknade za istu. Privrednici trenutno naknadu plaćaju firmi u Istočnom Sarajevu, smatra da bi Općina Jablanica trebala preuzeti ovo pravo.

Nakon diskusije zaključeno je da nađe ugovor, te da se istraži na koji vremenski period je potpisan i na koji način.

Na XXIX sjednici Vijeća za konkurentnost općine Jablanica zaključeno je:

- da je na sljedećoj sjednici VZK-a potrebno imati informacije Udruženja privrednika vezano za potrebe radne snage.
- Da za industrijsku vodu već postoje dopisi, te da je potrebno razraditi strategiju kako doći do cilja
- Općinski načelnik zahtjeva dostavljanje obrazloženja zahtjeva da se postojeća voda u industrijskoj zoni Donja Jablanica naplaćuje po nižoj tarifi dok se ne riješi pitanje industrijske vode, o čemu će upoznati stečajnog upravnika JKP-a i advokata.

Jusuf Džafić zaključuje sjednicu u 10,15 sati.

Zapisnik vodila

Amira Karić

Predsjednik Vijeća za konkurentnost

Jusuf Džafić